

衢州文獻集成

〔集部〕

第
185
冊

衢州文獻集成

黃靈庚 諸葛慧艷

主編

〔集部〕

第
185
冊

國家圖書館出版社

第一八五冊目錄

蓮湖詩草二卷(卷二)

(清)徐崇炯撰
清嘉慶刻本

.....一

巽巖詩草一卷附錄一卷

(清)徐逢春撰
清嘉慶七年(1802)刻本

.....六九

盈川小草三卷

(清)朱邕撰
清嘉慶十四年(1809)刻本

.....一六一

鋤藥初集四卷

(清)范崇楷撰
清抄本

.....三三一

二陳詩選四卷

(清)陳聖洛 陳聖澤撰
清嘉慶十六年(1811)山滿樓刻本

.....四三三

二石詩選一卷

(清)陳一夔撰
清嘉慶十六年(1811)山滿樓刻本

.....六三三

蓮湖詩草卷下



西安徐崇炯西河甫著

回里贈家采朝

離情八九載追想如朝昏駒隙事固然每念同里
門梧桐深巷裏讀書避俗喧叢竹穿階屐攜壺接
蘭言日夕相過從瑣事共談論往者登梵宇腰腳
輕飛騫遊侶多老成而今半無存接交悲寥落蹤
跡殊分奔自余官南明深山聽啼猿苜蓿逢秋萎
桃李空盈園君懷誠浩蕩重以天倫敦繞庭問詩

禮吹燠娛弟昆猶能作豪氣飲量如鯨吞惟君十
年長道氣窺真元贈我珠玉詞對之傾瑤樽今日
重攜手清氛薄華暉

回里三日卽赴蘭江舟中寄懷弟兄

朱橘千頭著露妍征衣乍脫又重穿弟昆怪我輕
離別杯酒丁寧後日緣
省墓來經殷浩宅淚痕踈雨滴秋根十年生滿城
邊草華表當依去後魂

同人賞菊許崑圃不至寄詩一首依韻荅之

半載武林客歸來露已圓秋花原有色晚節不知
寒賤子巾思漉先生眼倦看轉聞多古調不惜伯
牙彈

癸丑署中卽事

三春已過三伏交衙齋寂處勤誅茅池可栽荷堤
可柳明年穠郁紛堂坳我來棲止同燕巢底如松
竹之茂芑開豁牕櫺納涼氣一輪明月澹青郊朋
簪投分各有數手揮方麴時解嘲葡萄滿架絡藤
梢釀酒百壺盈大庖碁枰得局有勝意清秋覓句

還推敲射陽湖口波濤靜無誇投壁能斬蛟臥聽
風蟬響高樹何來塵土聲呶呶

癸丑除夕

好雨新占麥有秋閭閻守歲莫須愁燭來報喜梅

花笑鼓信傳聲婦子酬

時行擊鼓
催花令

瑞雪三更驚去

臘

壬子年在揚關
守歲時逢大雪

官齋五夜聽鳴騶家人只合曹

騰醉辛苦於今一歲週

春日戲作

后官如我亦荒唐對酒看花檢藥囊判筆每將詩

句琢朝餐愛把菜根嘗
四郊人靜風雲合萬井春
和草木香圍坐朝朝下
簾幕碁爭一局又何妨

和鮑晚香春暮韻

文戰朝朝望眼賒
喜隨童冠作生涯
湘靈可惜詩

無鬼雲錦何曾筆
有花

時歲試
童生

弱柳低垂清晝永

天桃漫插膽瓶斜
報君高樹巢新結
有鵲爭來逐

老鴉

五風十雨最相宜
二麥欣欣信未遲
粉署鶯聲催
客夢茅檐花影動
文思問誰種
竹須如法快遣栽

蓮池言直 卷一
荷怕過時慚愧河陽多好景聊將小草報君知

江南閨中作

十年面壁此時成金石於今擲有聲雖處囊中原
易見何人肯把眼來盲

衡鑑堂開燭影紅新詞原帶桂花風文章得失無
關我萬卷紛披秉至公

舟中偶作

橫江滾滾仗舟檣風波四面水天碧江豚吹浪舟
師驚恐遭颶風心戢戢膽大無如小兒女嘯呼行

水如浮羽兩槳夷猶過岸來若游化宇登春臺人
生遭遇有如此幾時霧散層雲開主張自是有真
宰百計營謀事安在靡麗紛華人共趨我心淡泊
如腐儒無端推上青雲途誠恐失足世路殊臨深
履薄無時無苦吟曾斷數莖鬚識者嗟予行守株
是何退縮如疲鷲天地境界亦大矣我胡爲乎戰
戰兢兢憂虞至如此

過寶應

寶應之水通江海洪湖巨波當面在萬戶生靈如

釜底積累日深勢難改吁嗟乎我欲借此五丁力
日開數十山列此作屏障一帶民生永無悔

宿棲霞山房遊幽居桃花澗諸勝

層巒聳翠名栖霞江南勝景人爭誇複道同欄望
如畫往來游歷多詩家騷人詩句籠絳紗王言勤
石紛雲霞我來拾級披桑麻禪房信宿瞻天花惠
遠供我顧渚茶指點泉石窮嶮呀奇樹怪石古來
有謂是人工開八九鑿開混沌地中奇幽居無人
空嘆噫疊浪峰前春水生僧云坐此怡性情讀罷

林岩峭澗詩秋花慘澹雲飛馳無錢買山心未已
且留屐齒當階祀

登金山寺

六鼇環拱勢奇極長江天塹此崩劣周遭汗漫千
頃波杰閣危欄空眼過空眼過今不得上往來相
對常蹉跎甲寅秋日栖霞回遊屐未脫興復來棄
舟登山歷高頂浮圖矗破煙雲開檣帆出沒紛四
面乘風破浪疾如箭我祖名一當年曾勒石煌煌
鉅製稱大作姓氏江山永不磨丹徒明府前明末

聞說鞭鸞來往憩此間江南江北蠟炬還燈火蔽
江非等閒但見層樓不見山

渡揚子江

逆境難當順境好來時卽是去時道人生順逆任
自爲要在履險能如夷前者僥倖今易易安常不
忘舊危地金山寺下風波多出沒蛟龍藏鼉鼉日
經往來千萬舸不聞險阻成坎壈百年詎能常安
居防嫌有道慎勿疎臨事切莫聽恣睢權衡在
期无悔過去未來與現在不須分身別相待旁

疑我鬚眉改區分前後空嗔怪荆棘叢中有坦途
詩酒朝夕聊相娛七情六慾祇一瞬悟徹休將現
在呼

偶作

芙蓉江上開不比桃與李何事怨東風伊人愛秋
水

宿北沙大寺遇雪

蕭寺狂風徹五更開門岐路與河平皚皚滿縣人
都見坦坦於今我獨行坐馬聲馳蹄送響肩輿簾

閉隙生明無端往返增勞碌官事銷除在旅程

歲暮戲成四首

歲闌諸未集雪後兩頻添貧戶何堪此新詩且漫
占梅花枝尙凍臘酒味偏甜不少他人債全憑自
奉廉

淺語寄茅檐寒酸不我嫌圍爐憶前事聽雨下重
簾拙忘催科急明知約法嚴家人三五輩抱恨語
纖纖

六十歲時淹繁文久屬厭殘年經積雪爐火熨貂

檐桃板憑誰設辛盤衆議僉老饕惟一飫新酒上
眉尖

冷署叢千指材庸貧病兼災區征力役凍筆倩題
籤熾炭勤刪句求錢爲拂髯官窮無赫赫何處見
趨炎

題李守備彈劾圖照

畫圖形似非神似由來每把松雲擬箇中落筆不
尋常太阿出匣光騰起移官同黃浦衙齋隔尺咫
氣誼藹如雲交情淡如水謂余素性事雕蟲贈子

十樣名箋紙繼出新圖氣象豪神味直達煙霞裏
襟期磊落世罕比彈缺歸來人不喜手中綠綺訝
無絃瑟瑟寒風動金匳吁嗟乎座中不見鍾子期
遂令錯認風胡子

自淮郡回阜寧宿田家作

每因信宿過君家此榻難將穉子誇父老有時迎
竹馬閭閻何處問桑麻差徭偶爾驚寒柝杯酒還
承獻歲華那得與民常欸欸一村雞犬靜無譁

春日晨起偶作